

ODA YA TSHIVHIDZO

 Ri kha di bva u vala muṭangano muhulu wa masiku maṭanu thaberenakeleṇi, hune, nga tshilidzi tsha Mudzimu na nga thuso Yawe, Ndo lingedza nga maanda, nga Mañwalo, u vheya kha oda Tshivhidzo tsha Murena Yesu Kristo, vhunga ri tshi tenda kha Thaberenakele ya Branham.

² Tshithu tsha u thoma tshine nda tama u amba ndi uri mufunzi u dzula a kha ndango yo fhelelaho ya thaberenakele musi ndi siho, huno ndi sedza fhedzi kha mufunzi musi ndi tshi vhuya. Ngauralo, u kha ndango yo fhelelaho ya u shanduka kana u ita tshinwe na tshinwe tshine a elekanya uri ndi tsha khwinresa, phasi ha vhurangaphanda ha Muya Mukhethwa, musi ndi kule.

³ Ri tenda kha Tshivhidzo tsha vhuapostola, ri tshi funza phaṭhutshedzo dza vhaapostola u itela vhathu vha lino ḋuvha. Ri tenda kha Mafhongo-madifha o fhelelaho, huno ra tenda uri zwiga zwoṭhe na zwimangadzo zwe zwa ambiwa nga Murena washu Yesu Kristo, zwi do fhelekedza Tshivhidzo Tshawe u swika A tshi vhuya. Ri tenda kha izwo zwithu, huno ra tenda uri zwi tea u vhewa nga ngona, uri Tshivhidzo tshi na nzudzanyo yatsho. Huno tshivhidzo tshinwe na tshinwe tshi na pfunzo yatsho, na oda, na vhudifari.

⁴ Tshivhidzo tshashu a tshi na mirađo sa vhane vha dzhoina. Ri tenda uri Tshivhidzo tshothe tsha linnda loṭhe tsha Mudzimu a tshilaho ndi vhakomana vhashu na dzikhaladzi; na uri vhathu vhoṭhe vha a ṭanganedzwa tshifhinga tshoṭhe, hu sa londwi uri ndi vha dinomineisheni ifhio, kha Thaberenakele ya Branham, ngei Tshiṭaraṭa tsha Eighth na Penn Jeffersonville, Indiana.

⁵ Ri tenda kha “u itwa vho lugaho nga lutendo,” Vharoma 5:1. Ri tenda izwo, nga murahu ha musi muthu o itwa o lugaho nga lutendo, u na mulalo na Murena Yesu Kristo. Fhedzi zwi a konadzea uri uyu muthu muthihi a vhe na mikhwa i no nga sa u nwa, u daha, u ita zwithu zwine ha tei u ita, maitele a tshika a ḥama.

⁶ Zwenezwo ri tenda uri Malofha a Yesu Kristo o khethefhadza uyu muthu u itela tshumelo ya Murena. Huno izwo ndi, ri tenda kha “u itwa mukhethwa” u ya nga ha Vhaheberu 13:12 na 13, “Hune Yesu na ene, uri A kone u khethefhadza vhathu nga Malofha A Ene mune, o tambula hu si na khoro.” Huno ri tenda uri u itwa mukhethwa hu funzwa kha Testamente Ntswa, nahone zwi tshi amba vhatendi nga tshikhathi tsha Testamente Ntswa, tshire ra khou tshila khatsho zwino.

⁷ Nahone ri tenda hafhu uri nga murahu ha musi muthu o no itwa mukhethwa, ndowelo dza tshika dzo bva kha muthu, ndi mutendi kha Murena Yesu Kristo, huno mikhwa yaye yo ṭuwa:

ri tenda uri zwenezwo u nkhetheni wa “ndovhedzo ya Muya Mukhethwa,” une u da sa u dala ha mutendi. Huno zwenezwo musi mutendi . . .

⁸ Hu tou vha, zwifhinga zwinzhi vhunga ndo zwi funza, u fana na u doba ngilasi nn̄da dzharatani ya dzikhuhu. *U itwa vho lugaho* ndi “u i doba, ho lugela u i shumisa,” hu na ndivho mbiluni. Izwo ndi zwine Mudzimu a ita kha muitazwivhi. U kha di vha o tshikafhalaho.

⁹ Zwenezwo u tanzwiwa nga Malofha a Yesu Kristo. Huno ipfi *u khethefhadza* ndi ipfi la nyamba huvhili, line la amba, “u tanzwiwa, na u vhetshelwa thungo u itela tshumelo.” Kha Testamente Ndala, alitari yo khethefhadza mudzio, huno wa vhetshelwa thungo u itela tshumelo.

¹⁰ Ri tenda uri Muya Mukhethwa u khou vhea mudzio wonoyo muthihi tshumeloni. Uri Muya Mukhethwa a si linwe ligi la tshilidzi, fhedzi zwinzhi zwa tshilidzi tshenetsho tshithihi tshire tsha dadza mutendi u swika hune zwiga na vhuololo, u fana na zwifhiwa zwa vhuapostola zwe ambiwaho kha Vhakorinta ya U thoma 12, vha divhonadze nga kha uyu mutendi musi Muya Mukhethwa u tshi dzhena ngomu u dzhia tshifhiwa.

¹¹ Ndi tenda uri Luñwalo lu funza zwauri “zwifhiwa na mbidzo a zwi na tshanduko,” uri musi ro bebwā shangoni lino, ro rumelwa fhano nga ndivho nthihi, iyo ndi, ya Mudzimu. Huno uri phanda ha musi ri tshi vha vhaaluwa, musi ri tshe vhana, mpho dzine ra vha nadzo dza Mudzimu dzi kha riñe zwenezwo, huno u dala fhedzi ha Muya Mukhethwa hu dženisa izwi zwifhiwa kha nyito; fhedzi ri nazwo u rangani, zwi ngaho vhadededzi, na vhaapostola, na—na vhaporofita, na mpho dza dzindimi, na zwifhiwa zwa tahe zwa tshimuya u ya nga Vhakorinta ya u Thoma 12. Zwino, ri tenda uri hezwi zwifhiwa zwi khou shuma ñamusi, huno zwi tea u vha kha tshividzo tshinwe na tshinwe tsha hayani.

¹² Naho kha zwe raloho, ro zwi wana, shangoni lothe, uri hu na vhusweleli ho kalulaho vhusweleli ho tumekanaho na vhatu vha no diamba uri ndi vhatendi vha vhuapostola. Vhunga vha kha dziñwe ndaela, na zwiñwe-vho, ri na vha vhusweleli ho kalulaho. Hezwo zwe vha hone tshifhinga tshothe, ro vha na hezwo nga kha zwikhatti zwothe. Vho vha vhe navho nga duvha la vhuapostola; huno vhunga Paulo o amba heneffo, uri vhañwe vho da hani huno vha “vha kwengweledzela kule, kha dziñwe pfunzo,” na zwiñwe zwinzhi. Fhedzi nga pfunzo yawe, o ri, “Arali Muruñwa a bvaho Tađulu a tshi do funza tshinwe tshithu-vho,” nga nn̄da ha zwe a funza, “nga a vhe o lañwaho.”

¹³ Ngauralo, riñe, sa Thaberanakele ya Branham, kha Tshiñaraña tsha Eighth na Penn fhano, lingedza u tevhela pfunzo dza Testamente Ntswa. Ngauri ri a tenda, uri, Yesu Kristo, e Murwa wa Mudzimu, huno Paulo muapostola o vha e mudzio wo

vhidzwaho nahone wo nangiwaho, nga u nanga ha Mudzimu, u rumelwa kha Tshivhidzo tsha Vhann̄a u tshi vhea nga ngona.

¹⁴ Zwino, ri tenda kha “ndovhedzo ya madini,” kha Thaberenakele ya Branham, nga u mbwandamedzwa, “nga Dzina la Murena Yesu Kristo,” ine ya vha pfunzo ya vhuapostola ya Bivhili. Huno ngavhe, mirado yothe ya, kana, vha tshi da kha Thaberenakele ya Branham, a no tama zwo raloho, ngavhe, nga tshifhinga tshiñwe na tshiñwe (vha tshi humbelu u ngwandamedzwa, nga Dzina la Murena Yesu), ni tshi kwama mufunzi, huno arali vho shanduka, nahone vha tenda kha Murena Yesu Kristo, mufunzi u do ralo, nga u t̄avhanya fhedzi zwi tshi konadzea, na zwenezwo arali a tshi kona, vha lovhedzeni nga u t̄avhanya. Izwi zwi vha disa ngomu ha vhuṭama ha vhatendi. Ri tenda uri nga ndovhedzo ya madini ro dzheniswa kha vhuṭama.

¹⁵ Fhedzi nga ndovhedzo ya Muya Mukhethwa, ri dzheniswa ngomu ha mirado, vhe mirado ya Muvhili wa Yesu Kristo, une wa vha hothe-hothe kha shango.

¹⁶ Zwino, tshiñwe tshithu tshine ra tenda, uri, “U vhonadzwa ha Muya hu ḥewa kha muthu muñwe na muñwe u itela mbuelo.” Zwino, ri tenda uri musi izwi zwifhiwa, na zwiñwe-vho, zwi tshi shuma Tshivhidzoni, zwine ra swela na u tama uri vhatu vha re na tshifhiwa tsha Muya, vha de vha rabelel na riñe.

¹⁷ Zwino, fhethu hunzhisa, ri wana uri musi hedzi mpho kha vhatu, vhatu a vha pfesesu uri *hani* na *lini* hune vha nga shumisa izwi zwifhiwa, huno, nga u ita ngauralo, vha disa fhedzi lunyadzo; zwine ra tenda uri zwi do vha zwine Sañhane a nga ita u ita kha vhannd̄a, vhadzia u sa tenda, na zwiñwe zwinzhi, vha tshi ofha iyi phathutshedzo ye Mudzimu a fha kha Tshivhidzo nga a ya mađuvha.

¹⁸ Paulo o ri, “Musi hu tshi da mutsinda vhukati hashu, huno rothe ri amba nga dzindimi, naa munna a nga si ṭuwe huno a ri ro vha ri tshi ‘penga’? Fhedzi arali muñwe a porofita, huno a ḥivhadza tshiphiri tsha mbilu, zwenezwo vha do wela fhasi huno vha ri, ‘Ngoho, Mudzimu u na inwi.’”

¹⁹ Zwino, ri tenda uri zwifhiwa zwa maya, vhukati ha vhatendi, ndi oda ya duvha. Ri nga si tende uri muthu a nga rera fhasi ha ṭhuthuwedzo huno zwenezwo, kana, a vha mudededzi o ṭuṭuwedzwaho, huno zwenezwo vha hana tshifhiwa tsha phodzo, kana tshifhiwa tsha vhuporofita, kana u amba nga dzindimi, kana ṭhalutshedzo ya dzindimi, kana iñwe ya idzi dziñwe mpho.

²⁰ Ngauralo, zwo ralo, hafha ndi lutendo lwanga kha Ipfi la Mudzimu, ndila ine Thaberenakele ya Branham, kha Tshiṭaraṭa tsha Eighth na Penn fhano Jeffersonville, vha tea u shuma ngaho. Ndi elekanya, tshithu tsha u thoma, huno nda tenda uri izwi zwithu zwine nda amba ndi zwa ndeme huno hu fanela u bveledzwa nga uyu mukhwa, kha Thaberenakele ya Branham,

uri zwi bvelele kha Murena. Huno arali nga tshiñwe tshifhinga izwi, izwi zwi tshi do vhudziswa, muthu a re na mbudziso nga hazwo a nga di nkwama arali vha a sa koni u ya ha mufunzi, kana a nga kona u kwama mufunzi. Arali ndi hayani, u bva kha dziñwe nyendo, ndi do takala nga maanda u—u thusa muñwe wa tshivhidzo kana mufunzi nga tshifhinga tshiñwe na tshiñwe. Huno izwi zwithu zwi nga ndila ya Luñwalo, huno ndi tenda uri ndi nzudzanyo ya Tshivhidzo.

²¹ Ndi elekanya, tsha u thoma, uri muraðo muñwe na muñwe, kana, murabeli muñwe na muñwe, wa Thaberenakele ya Branham, u tea u vha nga maanda kha Lufuno lwa N̄tha ha mupo nga tshashu u swika zwi tshi...mbilu dzavho dzí tea u swelana musi vha tshi fhambana, u fhambana tshumeloni, nga madekwana. Ndi mutendi wa ngoho kha “lufuno lwa N̄tha ha mupo.” Muapostola Paulo o ri uvho ho vha vhu vhuñanzi ha Muya Mukhethwa. “Nga uyu mukhwa, vhanna vhoþe vha do zwi divha uri ni vhafunziwa Vhang,” o ralo Yesu, “musi ni tshi funana.” Huno ri tenda uri ndi lufuno lwa Mudzimu lwo rumaho Yesu Kristo kha lifhasi, u fela riñe roþe. “Mudzimu o funa shango zwingafha, O nekedza Murwa Wawe mubebwa-e-eþhe, uri ane a tenda Khae a si lovhe, fhedzi vha do vha na Vhutshilo ha lini na lini.” Huno Vhutshilo ha lini na lini hafha ndi “Vhutshilo ha Mudzimu Ene muñe,” ngauri ri vha vharwa na vhananyana vha Mudzimu, nga ndovhedzo ya Muya Mukhethwa; ine ya vha Mbeu ya Abrahamu, huno a ri nea lutendo lwe Abrahamu a vha e nalwo, musi a tshi tenda Mudzimu phanda ha musi a tshi rubiswa.

²² Zwino, tshithu tshi tevhelaho, ri tenda uri avha vharabeli vha tea u “þangana vhoþe, avha vhathu vho newaho dzimpho,” u fana na dzindimi, na vhathu vhane vha wana nzumbululo na þhalutshedzo, na zwiñwe zwinzhi. Iyi mirado, kana, avha vhatendi, kha ndi ralo, vha tea u da fhethu huthihi khañwe lwa miniti ya fuiñathanu kana awara tshumelo i sa athu thoma. Tshivhidzo tshi tea u vulwa nga u þavhanya, huno vhatendi vha da fhethu huthihi kha aya masiku, huno khañwe miniti ya fuiñathanu u swika kha awara tshumelo dici sa athu thoma.

²³ Ndi a tenda, Thaberenakele ya Branham nga zwifhinga zweþhe i tea u vha na mutambi wa piano o dalaho Muya, ane a do da nga u þavhanya, o dala Muya Mukhethwa, huno a lidza zwavhuði, lwo dzikaho nga maanda, muzika wa tshimuya, u fana na, “Fhasi tshifhambanoni hune Mutshidzi wanga o fa, fhasi heneþho he nda lilela u þanzwiwa tshivhi; heneþho mbiluni yanga Malofha o shumiswa, vhugala kha Dzina Lawe!” Tshiñwe tshithu tshi re kha iyo nzudzanyo. *Tsini, Mudzimu Wanga, Kha Iwe*. “Tombo la Zwikhathi, lo vha hone u itela nñe.” Kana, *Tsini Na Tshifhambano*, kana tshiñwe tshithu kha iyo nzudzanyo; nga u dzika, u ongolowa, vhunga a tshi khou elekanya tshifhinga

tshothe kha Muya Mukhethwa, ene wa munna kana wa musadzi, nnyi na nnyi a nge vha.

²⁴ Zwenezwo ndi tenda uri vharabeli, vha tshi dzhena ngomu, vho tea u ḥangana, huno avho...vha nembeledza dzibadzhi na miñadzi, vha tshi sumbedzwa madzulo avho, nga vhulenda vhune vhanei vha madzulo kana madikoni vho ḫadzwaho nga Muya Mukhethwa vha nga ita, na nga lufuno, u vhona Tshivhidzo tsha Mudzimu a tshilaho tshi tshi isa phanda.

²⁵ Avha vharabeli a vho ngo tea u amba nga tshavho, huno vha tshi khou amba u buda, nahone vha tshi ita phosho tshivhidzoni.

²⁶ Vha tea u kuvhangana. Tsha u thoma, vha redzemutshela thabeloni yo fhumulaho, khañwe kha aliñari, lwa zwikhathinyana zwi si gathi. A hu na u rabelela n̄tha, ni thithisa muñwe muthu-vho; thabelo yo dzikaho, ni kha u losha. Tendelani izwo zwi dzhene ngomu. U losha, tuyani wañu, zwenezwo vhuyelelani kha tshidulo tshañu.

²⁷ Kana, a ni tei u ya kha aleñare. Itanu dzhena ngomu huno ni wane tshidulo, dzulani fhasi, ni thetshelise muzika; bonyani mañu anu, kotamisani tshifhatuwo tshañu; huno, no fhumula, ni tshi khou luvha Mudzimu, tshifhinga tshothe.

²⁸ Zwenezwo arali Muya u tshi tea u dzumbulula tshiñwe tshithu kha muñwe, kana—kana muñwe muthu a ḫadzwa nga Muya u swika fhethu hune vha ño amba nga dzindimi, zwenezwo uyu muthu u tea u vuwa huno a ñea mulaedza. Huno muñwe na muñwe u fanela u fhumula u swika ḫhalutshedzo i tshi da.

²⁹ Musi ḫhalutshedzo i tshi da, a yo ngo fanela u tou vha redzwa nga ha Luñwalo, kana tshiñwe tshithu tshine tsha sa vhe na zwine tsha amba. Hu fanela u vha mulaedza wo livhiswaho kha Tshivhidzo, kana ri elekanya uri u do vha ñamani; ri vhona zwinzhisa zwa hezwo. Huno zwino, ndi—ndi a tenda, mu—Muya wo vha u wa u amba fhedzi nga ha “u khwañhisa ha Tshivhidzo.”

³⁰ Huno zwino, hu ño vha mulaedza, tshiñwe tshithu tshi re kha nzudzanyo iyi, thañwe. Khañwe vhatu vha khou kuvhangana nga tshino tshifhinga, vhañwe vhatu vha lwalaho vho dzhena ngomu. Khamusi hu na munna o lalaho, o oma mirado kana tshiñwe tshithu. Na khathihi a ni athu mu vhona. Fhedzi musi ḫhalutshedzo i tshi ño da, hu ño vha tshiñwe tshithu kha iyi nzudzanyo; musi ḫhalutshedzo, kana uyo we a tou amba, u ño ri, “Zwo luga, A RALO MA AMBA MURENA, munna a re vhukati hashu o da a tshi bva *huñwe fhethu*,” huno a ḫalutshedza fhethu. Huno a tshi ño amba zwauri, “O oma ngauri, miñwaha miraru kana miña yo fhiraho,” kana tshiñwe na tshiñwe tshine tshi nga vha tshone, mulandu u nga ñi vha wone, “o ita tshiñwe tshithu tshivhi,” vhunga, “a ḫutshela mufumakadzi wawe na vhana, huno a vha shavha. Huno o wa n̄tha ha ḫafula,” kana tshiñwe tshithu nga uyo mukhwa, “huno o vhaisala, huno zwo mu omisa mirado. A RALO MA AMBA MURENA, arali a tshi ño shanduka

nga hezwo, huno a fulufhedzisa u ya kha mufumakadzi wawe huno a divhuyedzanya nae, zwenezwo u do fhodzwa zwino nahone a vhuya muṭani wawe.”

³¹ Huno zwenezwo muňwe a sa athu amba tshiňwe tshithu, hu fanela u vha na vhavhili, kana vho engedzeaho, vhanna kana vhathu ngomu tshifhaṭoni, vhane vha vha vho khwaṭhaho lwa tshimuya kha Pfunzo ya Mafhungo-mađifha, vhane vha vha na u ḥalukanya ha myua havhuđi, do vuwa huno a ri “Ndi zwa Murena.”

³² Huno arali itshi tshithu tshi sa itee, zwenezwo dzindimi dzi songo buliwa tshivhidzoni. Arali muthu a tshi amba nga dzindimi, Paulo o ri, “Arali hu si na muṭalutshedzi,” na zwiňwe zwinzhi, “vha litsheni vha ambe hayani,” kana huňwe na huňwe hune vha nga vha hone, “ngauri vha khou fhaṭutshedza vhone vhańe fhedzi, huno a si u itela khwaṭhisza Tshivhidzo.”

³³ Zwenezwo uyu muthu, nga murahu ha u amba, na ḥalutshedzo; huno zwenezwo vhahaṭuli vhavhili kana vhararu, u ya nga Pfunzo ya Paulo Mukhethwa ya Bivhili, uri zwi fanela u vha “haṭulwa nga vhahaṭuli vhavhili kana vhararu.”

³⁴ Zwenezwo i ri ni muthu ane Zwa mu vhidzelela, uri a ḥuve. Huno yone, khamusi zwi nga di topola muňwe muthu, kana mufunzi kana muňwe muthu, u ya u vhea zwanda kha uyu muthu, huno a no lwala kana a ḥupheaho, huno vha do fhola. Zwenezwo tendelani mufunzi kana muňwe muthu, onoyo ane a nga vha ene we a topolwa nga Muya Mukhethwa u ya “rabela thabelo ya lutendo,” vha litsheni vha ḥuve huno vha funze muthu u ya nga zwe Muya wa amba. Zwenezwo nga itsho tshifhinga, muthu kha... Huno tshiňwe na tshiňwe tshe Muya Mukhethwa wa amba, zwi do itea, nga u ḥavhanya zwenezwo, vhunga Muya Mukhethwa wo tou zwi nea.

³⁵ Huno zwenezwo vhathu vha nga takala, nahone vha livhuwa, na thendo na u losha Mudzimu, ngauri Mudzimu u khou ḥoda u loshiwa.

³⁶ Zwenezwo vha fanela—zwenezwo vha fanela u kotamisa zwifhaṭuwo zwayho huno vha dovha vha rabela, u vhona arali hu na muňwe mulaedza une Muya Mukhethwa wa do ḥoda hezwi zwifhiwa zwi tshi vhonadzwa, phanda.

³⁷ Huno zwenezwo arali tshifhinga tshiňwe na tshiňwe tshire muthu a amba nga dzindimi, na u ḥalutshedza, huno vha—vhahaṭuli vha do rumu muthu uri a dzhie, u ita tshiňwe na tshiňwe tshe tsha ambiwa uri tshi itwe, huno zwa si bvelele, zwenezwo tshigwada tshoṭe tshavho tshi do ya kha alīṭari huno heneffo vha rabela Mudzimu uri a bvise uyo myua khavho, ngauri a hu na ane a ḥoda myua u ngaho uyo. Ri do zwi divha uri zwi do vha zwo khakheaho, huno zwi do vha zwa swina, nahone hu si zwa Mudzimu, ngauri Mudzimu a nga amba fhedzi ngoho.

I ri ni izwo zwi pfectesiwe nga ndila i pfalaho nga tshivhidzo, ni sa athu thoma izwi, iyi nzudzanyo ntswa.

³⁸ Zwenezwo, kharwe, khamusi zwi do vha tshiñwe tshithu tshi no nga hetshi, mulaedza u do amba na muñwe mukomana, khamusi izwo, i ri ni, zwi do ralo, "O dzula tsini na tshiporo tsha ndila ya tshidimela," kana tshiñwe tshithu, "u ita uri a pfuluwe, ngauri hu khou ya u vha na khombo khulu ndilani," kana tshiñwe tshithu, kana tshiñwe tshithu kha iyo nzudzanyo.

³⁹ Huno tendelani vhahañuli, nga murahu ha musi vho nea thendelo ya tshivhidzo u amba, kana u sumbedza uyu mulaedza we wa tou bvelela, arali khañhulo yavho yo ralo, "Ndi zwa Mudzimu," zwenezwo sedzani huno ni vhone arali zwi tshi khunyelela.

⁴⁰ Huno arali zwa da zwa vuledzea, livhuwani Mudzimu, nahone ni vhe wa tshilidzi nga maanda—tshilidzi mbiluni yanu kha Ene. Huno ni Mu fhe thendo na u losha, huno ni diñukufhadze. Nt̄ha ha zwithu zwoñhe, diñukufhadzeni.

⁴¹ Ni songo di ita uri inwi muñe ni dihudze lwa u swika fhethu hune na ñivha zwo engedzeaho nga hazwo u fhira mufunzi wanu kana tshivhidzo tshire na khou rabela khatsho. Arali na swika afho fhethu, zwenezwo ndi do tsivhudza muñwe na muñwe wanu u wana huñwe fhethu ha u losha. Ngauri, ndi khou humbelia mufunzi uri ha nga tendeli tshithu tshiñwe nn̄da ha mbekanyo ya Bivhili, nga ndila ye ra zwi vthona hafha tshivhidzoni. Huno zwenezwo ri ñoda izwi zwifhiwa zwi tshi shuma, na fhethu, na vhaloshi. Arali zwi tshi bvela phanda nga ndila yone, u ya nga ha Ipfi, ni do vthona tshivhidzo tsha maanda, tshi mangadzaho tshi tshi shuma u itela Murena washu Yesu Kristo.

⁴² Zwino, zwenezwo tshithu tshi tevhelaho tshi do itea, hu do vha uri arali avha vhatu vha re na, vhane vha bva kha nzudzanyo nga tshino tshifhinga, uri mudikoni kana muñwe muñei wa madzulo we a ñadzwa nga Muya Mukhethwa huno vha na tshilidzi tshinzhi mbiluni dzavho, u do ya kha muthu, nga khuliso, u fana na khotsi, huno u do vha khakhulula nga uyu mukhwa. Kana, mufunzi, onoyo ane a nga vha ene, ane a do vha wa ndeme lwo engedzeaho kha madikoni u ita nga u ralo; ngauri mufunzi, nga tshino tshifhinga, musi idzi tshumelo dza maya dzi tshi khou bvela phanda, vha tea u vha lufherani lwa thabelo, kana huñwe fhethu, vha tshi khou rabela.

⁴³ Heyi milaedza, zwenezwo, arali hu si na mulaedza une wa khou itea, a hu na nzumbululo, zwenezwo vhatu vha do vha vho tondwa, arali vho tama, u takuwa huno vha nea vhuñanzi, vhuñanzi ha vhugala fhedzi ha Mudzimu. A vho ngo tea u ita hezwi, fhedzi vhuñanzi vhu tea u ñewa phanda ha mulaedza kana inwe tshumelo-vho ya nyimbo i tshi thoma, kana tshiñwe tshithu, vhuñanzi kha idzi tshumelo dza u luvha.

⁴⁴ Naa ni a pfesesa, tshivhidzo, uri, nga u ita izwi, ni na tshivhidzo tshothe moyani wa u losha, phanda ha musi Ipfi li tshi dzhena uri li funziwe? Zwenezwo Muya Mukhethwa u dzhena kha Ipfi, huno wa vhonadza Mudzimu nga kha Ipfi, uri a vhe khwaθisedzo ya nduvho yanu.

⁴⁵ Zwino, zwenezwo nga murahu ha izwi, tshifhinga tsha uri mufunzi a de, arali milaedza i tshi khou bvela phanda... Ni ri, mufunzi u tea u bva kokotolo, a ri, hafu u bva kha ya sumbe, na... kana kotara ya malo. Huno arali iyi milaedza i tshi kha di bvela phanda, mufunzi a sa athu da kha yawe... kha lufhera lwawe, kana huñwe na huñwe hune a nga vha, u dzhia vhuimo hawe kha pulatifomo, muñwe mukomana u tea u mu sumbedza, ngauri vhakhethwa vha a zwi divha uri musi mufunzi a tshi da kha pulatifomo, ndi tshifhinga tshawe zwenezwo tsha tshumelo. Huno izwo zwi nea tshifhinga tshinzhi, tshifhinga tshinzhi tsha u vhonadzwa hothe ha zwifhiwa, u disa Muya wa Mudzimu ngomu ha tshi—tshivhidzo.

⁴⁶ Huno arali zwa itea havha na muñwe a sa tendi, a sa di fari; wa mbilu ya vhudi muthu u do ya khavho, u fana na muñei wa madzulo kana mudikoni, huno ri do vha vhudza uri—uri vha do... u vha humbelu a fhumula, kana ivhani vha thompho musi tshumelo i kha nzudzanyo. Ngauri, Muya u ngomu tshifhañoni, huno zwifhiwa zwa Mudzimu zwi khou vhonadzwa u itela u khwaθisedzwia ha Tshivhidzo. Huno uyu muthu u fanela u vhudzwa nga lufuno, nahone hu si lwa vhuhali. Ndani ha musi zwi tshi do da fhethu he vha vha vha tshi khou nwá hone, kana vhañwe vha sa pfi, kana tshinwe tshithu tshire tsha do vha tshi khou dzhenelela kha u luvha ha—ha Murena, zwine zwifhiwa zwa vha, zwenezwo, zwi khou vhonadzwa; zwenezwo muthu u faela u vha, do ralo, kana vha tea u bviselwa nn̄da kha sia lithihi, kha dzinwe dza phera dza murahu, kana huñwe fhethu, huno vha ambiwa navho, nahone vha shumanika navho, nga vhulenda.

⁴⁷ Zwino, musi mufunzi a tshi da kha pulatifomo... Nga murahu ha musi mufunzi o no da kha pulatifomo, Ndi do dzinginyisa, sa Thaberenakele ya Branham fhano, uri mufunzi a range phanda tshivhidzo nga inwe ndila kana nyimbo mbili dzavhuñi. Ngauri ro zwi wana nga u ralo, uri musi vhanzhisa vha tshi khou lingedza u ita mushumo... tshivhidzoni, zwi disa vhuleme fhedzi. Ndi do dzinginyisa, vhunga ndo vha ndo ita musi ndo vha ndi tshi khou funza kha tshivhidzo; ndo ranga phanda dzinyimbo, nñe muñe. Huno ndi pfa uri tshi do vha tshithu tshavhuñi arali mufunzi o ita nga u ralo, ene muñe.

⁴⁸ Huno kha miñangano yothe ya thabelo, hune vha kuvhangana vhothe, zwigwada zwa miñangano ya thabelo, ene mufunzi u tea u vha kha muñwe na muñwe. A zwi tei u sielwa kha muñwe muthu u ya u ranga phanda iyo miñangano. Ngauri ro zwi wanulusa nga u ralo, uri vha ya bva ndilani, kha pfunzo, huno zwenezwo vha vhanga, vha zwi vhuisa murahu

kha tshivhidzo, huno, na zwifhinga zwinzhi, u disa maṭudzi, na zwiñwe zwinzhi, zwine a zwi ho kha Tshivhidzo tsha Mudzimu a tshilaho. Huno mufunzi u tea u vha kha miṭangano ya thabelo yoṭhe, na zwiñwe zwinzhi, hune zwigw-...khuvhangano dza vha hone.

⁴⁹ Huno mufunzi na khathihi ho ngo tea u dzhia sia kha muṭangano, nga u amba uri hu na tshigwada tshithihi tshi re nga *iyo* ndila na tshiñwe nga *iyo* ndila. Mufunzi u tea u ima vhukati havho vhoṭhe, huno a ya khavho, nahone a vha vhuyedzedza, nga u ṭavhanya. Huno arali a sa koni u vha vhuyedzedza, mu litsheni a dzhie mudikoni nae. Huno zwenezwo arali vha—vha nga si pfe mufunzi kana mudikoni, zwenezwo zwi tea u vhudzwa tshivhidzo, huno, vhunga Yesu o amba, “I ri ni vha vhe kha inwi sa muhedeni na muthu.” “Huno tshiñwe na tshiñwe tshine wa vhofha kha liphasi,” o ralo Yesu, “Ndi do tshi vhofha ngei Tađulu, na zwine na vhofholola kha liphasi, Ndi do zwi vhofholola Tađulu.”

⁵⁰ Zwino, musi mufunzi a tshi ḍa kha pułatifomo, i ri ni mufunzi zwenezwo a range phanda, nga—nga zwiṭuku, luthihi kana nyimbo mbili, huno a livha tswititi kha Ipfi.

⁵¹ Hu si tshifhinga tsha iyi miṭangano ya vhuṭanzi milapfu, huno muñwe na muñwe a takuwa, na ipfi ḥa u amba. Izwo a zwi bveleli kha Thaberenakele ya Branham.

⁵² Arali vhanwe vhathu-vho vha no khou thetshelesa iyi theiphi, huno, inwi, zwo bvelela tshivhidzoni tshañu, zwo luga, izwo zwo luga lwo fhelelaho. Huno ro takala nga maanda hezwo, uri zwi a bvelela tshivhidzoni tshañu.

⁵³ Fhedzi ngomu hashu fhano, a zwi ralo, zwi vhanga ndado fhedzi. Ndo vha ndi tshi khou lisa fhano lwa miñwaha ya mahumi mavhili na miñwe, huno ndo wana uri zwi vhanga ndado fhedzi. Arali ni na vhuṭanzi, vhu neeni phanda ha...kha tshivhidzo tsha vhathu, musi Muya u tshi khou fhaṭutshedza, na zwiñwe-vho.

⁵⁴ Kana, ndila ya vhukuma ya u ṭanziela, a iho tshivhidzoni, i nn̄da kha mafhethu o swifhadzwaho. Litsha Tshedza tshau tshi penye hune tsha vha swiswi. Iyani dzindilani na mafhethu o fhambanaho, hune tshivhi na zwithu zwa khou bvelela, zwenezwo i ri ni Tshedza tshañu tshi penye. Henefho ndi fhethu ha u zwi ita.

⁵⁵ Fhedzi, naho zwo ralo, arali Murena o ni fhaṭutshedza huno a ni ḥea inwe phaṭutshedzo khulwane ya tshipentshela, kana tshiñwe tshithu tshine na tea u vhudza vhathu, tshi itemi nga tshifhinga tsha inwe tshumelo, tshumelo ya u rangela, marangaphanda, kana musi Muya u tshi khou fhaṭutshedza na u ḥea vhuṭanzi na nzumbululo, na dzindimi na dzīṭhalutshedzo, na zwiñwe zwinzhi, kha u losha, ha vhakhethwa, phanda ha musi Ipfi ḥa Mudzimu li tshi ḫiswa.

⁵⁶ Zwenezwo mufunzi, nga murahu ha u ranga phanda ulu luimbo, u do ranga phanda tshivhidzo thabeloni nga u ḥavhanya, na thabelo ya tshivhidzo, ene muṇe, musi o ima kha pułatifomo, ndi tshi humbelo vhañwe vhothe uri vha kotamise zwifhañwu zwavho thabeloni.

⁵⁷ Hezwi ro zwi wana u vha phaṭhutshedzo khulwane, huno na u langea kha matshimbidele a zwithu tshivhidzoni.

⁵⁸ Huno zwenezwo, tshithu tshi tevhelaho tshine mufunzi a tea u ita tshifhingani itsho, nga murahu. Arali vho vha vhe na muṭangano wa vhukuma wa mya, vhe na zwifhiwa zwi no khou vhonadzwa zwiphiri zwinzhi zwa mbilu dza vhathe, na zwithu zwine zwa tea u itwa nga zwifhiwa muṭanganoni; zwenezwo Muya wa Mudzimu u muṭanganoni, huno zwi a leluwa nga maanda zwenezwo kha mufunzi u wana Muya wa Mudzimu (une wo no vha kha muṭangano) kha Ipfi ḥa Mudzimu, vhunga a tshi vhalo na u thoma u rera. Mufunzi zwenezwo a rera tshiñwe na tshiñwe tshine Muya Mukhethwa wa do vhea kha mbilu yawe, tshiñwe na tshiñwe tshine a tama u ita, o ima henefho.

⁵⁹ Fhedzi tshivhidzo tshi khou ya u... Vha a kona u takala, vhunga a tshi khou rera, a hu na zwiñwe, kana vha ri “amen” musi Ipfi ḥi tshi ḥa. Fhedzi, zwi tshi kwama u takuwa na u nea mulaedza nga dzindimi na ḥthalutshedzo, musi wonē—wone Muya Mukhethwa u tshi khou shuma nga mufunzi, Luñwalo lu ya zwi haṭula izwo, nahone lwa ri, “Muya wa vhaporofita u langwa nga muporofita.”

⁶⁰ Mufunzi zwenezwo u fanela u vhidzela uyu muthu fhasi, huno a vha humbelo uri vha dzike na u dzula fhethu havho. Mufunzi u fanela u vha munna a re na ndila ya u ḫitukufhadza nga hae, fhedzi hu si u ḫitukufhadza nga maanda fhedzi zwine a nga vha u fana na Murena Yesu Kristo musi A tshi vhona vhukhakhi tshivhidzoni, O luka dzithambo huno a vha pandela u bva tshivhidzoni. Huno zwino Tshivhidzo tsha Mudzimu ndi nndu ya khathulo, nahone mufunzi ndi mbekanyo khulwane kha Tshivhidzo. Muhulwane ndi tshithu tsha n̄hesa kha Tshivhidzo tsha vhuapostola, nga nn̄da ha Muya Mukhethwa. Muya Mukhethwa u q̄isa Mulaedza Wawe tswititi kha muhulwane, huno muhulwane a U nea vhathe.

⁶¹ Vhakhethwa na zwifhiwa zwavho vha do vha na fhethu havho, u thoma, u luvha na u ḥa fhethu huthihi, zwine zwa disa (sa zwe nda amba murahu) Muya wa Murena, ngomu tshifhañtoni, u itela mufunzi. Huno zwi a lelutshela nga maanda uri Muya Mukhethwa u shume ngae zwenezwo, musi wavhudī muṭangano wa tshimuya wo tou rangela phanda pfunzo yawe; huno zwenezwo Muya Mukhethwa u dzhena kha Ipfi nahone wa funza Ipfi; wo vhonadzwa nga mpho.

⁶² Huno zwenezwo mbidzo ya alitari i khou itwa tshifhingani itsho, ngavhuya, na vhanzhi nga itsho tshifhinga vha do vhonā

nahone vha divha, u ya nga ha u shuma ha Muya Mukhethwa, na Ipfi la Mudzimu, zwine mufunzi a Li vhea khalo, uri ni Tshivhidzo tsha Mudzimu a tshilaho. Huno vhunga Paulo o amba, wa kale, "U do wela fhasi nahone a ri, 'Ngoho, Mudzimu u na inwi.'"

Zwino, kha izwi zwithu, i ri ni zwi itwe nga khuliso.

⁶³ Huno zwino kha mufunzi (kha Mukomana washu Neville, nga tshino tshifhinga), elelwani, ndi ene thoho yo fhelelaho ya tshivhidzo. Mukomana Neville u na pfanelo ya u shumisa maanda manwe na manwe ane Muya Mukhethwa wa do ita, tshiñwe na tshiñwe tshire Muya Mukhethwa wa do mu vhudza uri a ambe, nga manwe maipfi. Tshivhidzoni, u na pfanelo kha tshiñwe na tshiñwe tshire Mudzimu a do mu khadela khatsho uri a tshi ite. Nahone u na pfanelo kha bodo ya madikoni yawe. A nga kona u tshintsha bodo ya madikoni, vhalangandaka, kana—kana mutambi wa piano, kana inwe ofisi tshivhidzoni ine a tama u i shandukisa, a tshi pfa u rangiwa nga Muya Mukhethwa uri zwi ite nga u ralo. Huno tshiñwe na tshiñwe tshire a ita, ndi do tshi limuwa, vhunga ene (ndi a tenda) u vha munna a ofhaho Mudzimu. Ndi do zwi limuwa u vha zwa Murena, nahone ndi do bula zwi fanaho ngauralo-ha zwi mu nea maandalanga zwenezwo a u shuma tshivhidzoni nga ndila ine a pfa a tshi rangwa phanda u zwi ita. Zwino, kana, ofisi inwe na inwe tshivhidzoni, arali a tshi tama u—u—u shandukisa maimo, nga vhatu, ngauri u na ndango ya u ita hezwo. Zwine, ndi a fulufhela uri hezwi zwi do dzulela u vha zwavhuđi nahone a zwi tei u shumiswa.

⁶⁴ Zwino, ngavhe Murena a tshi ni fhađutshedza nothe. Huno ndi fulufhela uri hezwi zwi do dzhiwa nnnda u ya nga ndivho yanu ya khwinesa. Huno ngavhe Muya Mukhethwa u tshi lavhelesa muñwe na muñwe wañu.

⁶⁵ Huno ngavhe muofisiri muñwe na muñwe wa tshivhidzo a tshi ima vhuimoni hawo ha mushumo, ni tshi divha hezwi, zwauri Mudzimu u khou yo u vhona vhudifhinduleli ha uri no fara hani ofisi yanu tshivhidzoni. Muñwe na muñwe u do tea u diphindulela.

⁶⁶ Huno kha mirado zwayo, na vhakhethwa vha funeaho vhane vha vha tshivhidzoni tshashu, havho vhane—vhane vha porofita, kana u amba nga dzindimi, kana u talutshedza, kana u vha na nzumbululo, ro tou takala zwihiulu u vha na inwi tshivhidzoni. Huno ri do ni nea tshumisano yo fhelelaho kha tshiñwe na tshiñwe tshire Muya Mukhethwa wa do sumbedza uri O ni vhudza. Huno ri a ni funa. Huno ri tenda uri izwi zwifhiwa zwi kha inwi, na zwauri arali ni na tshifhinga tsho teaho, na u nekedza ha Luñwalo hazwo, uri ni do ita vhashumi vhahulwane vhukati hashu. Huno ngavhe Murena a tshi ni fhađutshedza nothe, ndi thabelo yanga i fulufhedzeaho.

⁶⁷ Vhakriste, u bva tshe nda thetshelesa iyi theiphi, hu na tshithu tshithihi tshe nda tshi vhona uri ndo tshi siedza, huno itsho ndi hetshi: uri, musi vhatu vha tshi khou amba nga dzindimi, zwi fanelu u vha ḫanzi “mbili kana tharu,” u ya nga Mañwalo. Izwo ndi, hu na milaedza mivhili kana miraru fhedzi i no tea u ɱewa kha tshumelo iñwe na iñwe. Nga murahu ha izwo u ya nga Mañwalo, uri, “Hedzi ḫanzi; idzi dzi fanelu u vha mbili fhedzi, kana thararu.” Ngauralo vhunzhi hanu ndi dzhia hezwi zwithu, nga ndila yone, ndila ine Muya Mukhethwa a zwi amba kha Bivhilini Yawe. Huno izwi ndi, ndivho yanga ya khwinesa, ndila ya u zwi ita. Paulo o ri, “Vha litsheni vha vhe na ḫanzi, mbili kana tharu, musi vha tshi khou amba.” Murena a ni fha᫻utshedze.



ODA YA TSHIVHIDZO TSV58-1007

(Church Order)

MILAEDZA YA VHUDIFARI, NGONA NA PFUNZO ZWA TSHIVHIDZO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga Lavhuvhili, Tshimedzi 7, 1958, Thaberenakeleṇi ya Branham fhaļa Jeffersonville, Indiana, U.S.A., wo dzhiwa kha rekħodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaðaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org